

մի կարած կայ ի վերայ ճանապարհին, ուր Տերև սասց. ողջ էֆ, և ևնիս մասուցեալ կարսն գոսս ևնրս ևայն. միւսն է՝ հաւանաբար Խաչակրաց ժամանակ լատիներէնէ թարգմանուած ցուցակ մը, Մարկոս գրչին ընդօրինակութեամբ և անթուական, որ կը գրտնուի մեր մատենադարանին (Թ. 1130) մէկ ձեռագրին մէջ. նոյն ցուցակը կը բովանդակէ նաև հետեւեալ խօսքերը. «և ի սուրբ Սիոնի ճանապարհին և սեղի մի որ Քրիստոս երեւցաւ երեք Մարիամնակն»:

3. — Այս բոլոր տուեալներով կը հաստատուի Իւզաբեր կանանց ուխտատեղին. կը մնայ հիմա գիտնալ թէ ո՞ր քրիստոնեայ համայնքին ձեռքը կը գտնուէր այս տեղը և ո՞ր ժամանակ շինուած էր տեղուոյս եկեղեցին: Այս մասին յիշատակարան կը պակասի և անստոյգ կը մնայ ծագումը, բայց անտարակոյս քրիստոնէական հին դարերու մէջ հաստատուած կը թուի ան: Որչափ անստոյգ ըլլայ անոր ծագումը, բայց մենք վաստ ունինք թէ ԺԲ. դարուն նոյն եկեղեցիին գործածութիւնը Հայոց ձեռքն էր ու Ս. Յակոբի Միաբանութիւնը պաշտամունք կը կատարէր հոն: Ս. Երկրի հայ պատմութիւնը և մեր մատենադարանի ձեռագիրները ո՛րքէ յիշատակութիւն չունին այդ մասին. ուխտաւոր եպիսկոպոս մը՝ Յովհաննէս Վրրզպուրկցի, որ հաւանաբար 1160ին կամ 1170 ին ուխտի եկած է Երուսաղէմ, ա՛ն է որ կը յիշէ իր Ուղեգրութեան մէջ (ՏԵ՛ս Descriptio terrae sanctae, Migne Patr. Lat. col. 1057), թէ Ս. Յակոբի Հայոց վսևիկն հարսւր կը գտնուի ուրիշ եկեղեցի մը՝ որ Հայոց ձեռքն է (սևի, էջ 21-22): Յիշեալ եպիսկոպոսը հիացումով կը խօսի Ս. Յակոբի Հայոց վանքին վրայ և կը յիշատակէ նաև այն փոքր ու վաղեմի սրբավայրերը որ կանգուն էին տակաւին Սիոնի ճանապարհին վրայ: Երախտապարտ ենք այս Պաւերիացի Յովհաննէս եպիսկոպոսին որ իր այս հակիրճ տողերով լուսաբանած է Իւզաբեր կանանց եկեղեցիին հայկական ծագումը և Հայոց սեպհականութիւնը մինչև Խաչակրաց թուականը: Մենք ուրախ ենք որ յիշեալ եկեղեցականը օգնեց մեզի երեւան բերելու Հայ-Երուսաղէմի վանականութեան ու հայ բարեպաշտութեան ստեղծագործութիւններէն մին ալ: Մեր քաղաքացի հայերուն կիրարկած արտերէն մէկ բառը՝ Տարը Մարիամաբ (ՏԵ՛ս Ուղեցոյց Ս. Տեղեաց, էջ 178), ինչպէս նաև վերև ակնարկուած տան Ս. Յակոբի վանքին կալուածոց խիստ մօտ